



Alola-Care Organiza Pilotu Anima Estudante

Fundasaun Alola liu husi ekipa edukasaun ho Care Internasional ho nia programa haburas labarik iha (13/8) lansa programa pilotu ida hodi anima estudante sira iha tempu feriadu naruk. Programa animasaun ne'ebe halao iha Sede Administrasaun Sub-Distirtu Metinaro, Distritu Dili ne'e involve estudante hamutuk nain 300.

Estudante ne'ebe partisipa iha programa animasaun ne'e sente kontenti tebes ho atividade ne'ebe organiza husi fundasaun Alola ho Care internasional. Lansamentu programa pilotu ne'e abertura direktamente husi Administrador sub distirtu Metinaro, Adão Araujo no assiste husi xefi suku Sabuli, Duyung no inan aman estudante no joven balun.

Administrador Adão Araujo, iha nia lia menon hateten nia parte sente kontente tebes ho atividade animasaun ne'ebe fundasaun Alola ho Care Internasional lansa hodi anima labarik sira iha tempu feriadu naruk. Atividade ne'e maske foin primeira ves halo mas pozitivu tebes ba estudantes sira. Nia espera katak atividade ne'e sei kontinua para alein dezenvolve kreatividade nomos fo haksolok ba estudantas no comunidade sira.

"Ami gosta no kontente ho atividade ne'ebe mak imi mai halao, atividade ne'e diak tebes, tamba monu mos ba loron feriadu naruk estudante sira nian," nia dehan.

Iha fatin hanesan, Evaristo xefi suku Duyung fo agradece ba Alola ho Care ne'ebe mak organiza atividade animasaun ba labarik sira, tamba atividade ne'e diak tebes ba labarik iha tempu feriadu duke halimar deit iha uma. Atividade animasaun ne'e fahe ba grupu 10, grupu ida-idak ema hamutuk nain 30, kada grupu hili atividade hanesan; Bingo, busa ho laho, halimar bola es crem, halai eskada, halimar balaun, tuda bola ba masa agua, soe bikan (fresbee), tebe bola zigzag, pasa bola ba malu no halo livru husi surat tahan. Iha halimar oin salunu ne'e, ida-ida iha nia signifika, balun fo hanoin ba labarik sira konaba sira nia direto, balun konaba oinsa moris hakmate no dame iha comunidade no balun fo mensajen oinsa bele hetan saude ida diak iha uma laran. Programa Animasaun ne'e lao ho diak, Care Internasional servisu hamotuk ho devisaun Edukasaun Alola nian ba iha programa advokasi Alola kona ba haburas labarik.



Kuase labarik 300 halibur hamutuk iha programa feriadu ne'ebe hala'o husi Alola iha Metinaro



Alola fundasaun mak se? Fundasaun Alola harii iha tinan 2002 iha dedikasaun atu haforsa feto sira iha setor saude, edukasaun, lideransa no oportunidade ba servisu nian. Harii nu'udar ONG nasional, Alola ne'e lidera husi Kristy Sword Gusmao. Ekipa lideransa: CEO: Anne Finch. Programa lideransa: MCH-Veronica Correia & Tanya Wells-Brown; Advokasia—Alita Verdial; Vaga Edukasaun; dezentvolvimentu

Tel: +670 3323855; Email: Info@alolafoundation.org; www.alolafoundation.org

Alola Selebra Semana Mundial Susun Been Inan Nian Maibe Iha Alola Selebra Susun Been Inan Nian Kada Semana!



Alola nia staf pratika buat ne'ebe ami hanorin no sira nia oan hatudu benefisiu exkluzivu husi susu-ben inan nian

Pratika Buat Ne'ebé ita Hanorin

Iha jornal fulan Abril nian ami hasai foto husi ami-nia staf nain haat ne'ebé isin rua hela. Ho sorte diak sira fila no hala'o sira nia servisu depois selu osan lisensa maternidade ba fulan tolu, kompleta sira nia k'nar i sira kontinua fo susu-ben ba sira nia oan nafatin.

Nu'udar foto principal ne'ebé hatudu ba ita nia bebé nu'udar ezemplu gloriozu no benefisiu husi susu-ben kinur (colostrum) iha oras partu ba dala uluk wainhira bebe moris no fo susu-ben inan exkluzivu durante fulan neen nia laran. Importansia husi susu-ben kinur nu'udar xave mensagen husi kompaña semana mundial susu-ben inan Alola nian iha fulan ne'e no ezemplu ida husi ema ne'ebé hare bebé.

Depois fulan neen sira bele han ona hahan local hanesan aidila, lakeru, fehuk midar no senora no kontinua nafatin susuben inan nian to tinan rua. Ekipa saude inan no oan fo informasaun konabá nutrisaun labarik nian atu nune'e bebé sira bele hetan nutrisaun ne'ebé di'ak hahu sira nia moris no mos bebé sira

bele hetan foto principal husi Sentru Taumatan Labarik Alola nian, ho akomodasaun servisu taumatan ba labarik no bebé maibe fornese mos profesionalismu taumatan ba labarik husi tinan lima ba kraik. Sentru Taumatan Labarik suporta husi ekipa edukasaun hodi prepara dezenvolvimentu kreativu no esperiensa halimar ba Alola nia labarik.

Ho eskola ne'ebé oras ne'e feriadu, ekipa edukasaun ho ekipa haburas labarik husi Alola hamutuk hodi fo animasaun ba labarik iha tempu ferias iha distritu sanulu. Atividade ba dala uluk halao iha sub distritu Metinaro, labarik hamutuk nain 300 mak hakarak tebes tuir atividades komik nian. (hare foto iha pajina kotuk.) apoiu orsamentu husi CARE International, kombina mos ho ekipa sira ne'ebe servisu maka'as hodi fo atividade komik, dezenvolve jogos ho esperiensa ho material ne'ebé simples no baratu atu nune'e labarik sira bele imita atividade sira ne'e lori ho sira nia kolega no viziñu iha semana tuir mai to tama fali eskola iha fulan Outubro.

Kirsty Edisau: fulan ne'e ami focus liu ba programa Ekonomi Dezenvolvimentu

Programa Dezenvolvimentu Ekonomia no Promove Tais Tradisional

Dezeñu Alola Esperansa no Sentro Produsaun Taibessi

Dezeñu Alola Esperansa no sentro produsaun loke oportunidade ba ema ne'ebé iha talenta atu espresa sira nia esperensia liu husi dezeñu. Dezeñu ne'ebé sira hala'o iha sentru Alola ne'e orienta liu ba kualidade produktu ho objetivu atu produs sasan ne'ebé iha kualidade di'ak.

Sentru produsaun ne'e manaje liu husi programa Ekonomia Dezenvolvimentu e halo operasaun liu husi naran bisnis nian Alola Esperansa. Sentru ne'e fo ona servisu ba feto Timor oan hamutuk nain 20 resin ne'ebé servisu iha Alola durante ne'e. Foin dadauk ne'e, ema nain 2 halo tais tradisional ne'ebé involve ekipa hodi halo order ba sasan espesial ne'ebé fa'an no seidauk fa'an iha loja Alola nian. Staf sira tuir treinamentu hanesan treinamentu dezeñu, suku tais, protesaun makina suku roupa no jestaun.

Sentru ne'e iha ona progresu durante fulan hirak liu ba, ne'e la ses husi dedikasaun senhora Ofelia Neves Napoleo nian, ho nia lideransa organiza durante tinan 20, nune'e mós nu'udar lideransa suku tais Timor nian. Ekipa Dezenvolvimentu Ekonomia ne'ebé lidera husi Bernadete da Fonseca, involve señoira Deevah Melendez Morales, husi Australia, no servisu nu'udar voluntaria internasionál, ho pozisaun hanesan konsellu ekipa dezenvolvimentu ekonomia merkadoria.

Timor oan ne'ebé halo tais hetan benefisiariu husi produktu ne'ebé fa'an iha loja Alola, liu husi ekipa ne'ebé halibur



tais ba iha fábrica ka produktu tais iha teritoriu tomak. Tais ne'ebé produs mak hanesan tais mane no tais feto. Produsaun tais hirak ne'e laos kontribui de'it ba haforsa ekonomia feto sira nian, maibe habelar mós kultura liu husi produktu tais.

Tuir Ofelia nudar Jerenti produsaun sentru Taibessi hatete, sira produs sasan tuir loja Alola nia menidada no kada sesta-sesta sira tenke hatama sasan ba iha loja. Sasan ne'e maka sira uza hodi produs tais hirak ne'ebé sosa husi 13 distritu.

Grupu Produtor iha Metinaro Buras Nafatin

Iha krizi tinan 2006, ema rihun 10,000 mak husik hela Dili ba iha Metinaro (forsa defeza nia Quartel, minu tolu nolu husi Dili ho kareta, viajen ne'ebe perigu, rai rahun suar iha tempu bain loron no mota tun iha tempu udan, ne'e hanesan fatin ne'ebe izoladu no la seguru hodi halo uma iha ne'ba to'o tinan rua ka liu. Alola ho assistensia husi Plan International harii ona protesaun tradisional no fasilidade pensimentu uma no halo tais, halo tais no atividade homan husi akadiru tahan. Ne'e hanesan tempu di'ak ba feto sira hodi hamutuk no estuda skill foun no servisu hodi hasae sira nia ekonomia ne'ebe independente, harii fatin fa'an sasan ne'ebe sira produs.

Atividade hirak ne'e ho esperansa katak bainhira IDPs sira iha Metinaro sai no fila ba ida-idak nia hela fatin ka uma, iha ona capital ba kada ema ka familia e hodi harii fila fali sira nia uma. Notisia ne'ebe importante liu mak hanesan, feto sira mos koalia konaba produktu local, sira kontinua hala'o sira nia atividade tantu en grupu ka individual iha ida-idak nia uma embairomentu.



Feto sira aprende suku iha IDP metinaro hodi halo protesaun tradisional, no hari'i sira nia loja



Kontenti tebes wanhira simu osan husi resultado soru tais rasik no tais nebe sira soru maka hanesan iha okos



Suporta Feto Iha Distritu (Area) Remote



Membru ekipa husi Alola foin dadauk halao viajen ba Enclave Oecusse, distritu ida husi Timor Leste nian ne'ebé dook ka izoladu (haketak) husi sidade Dili, para servisu ho grupu hodi mantein nafatin kultura no fatin fa'an tais ne'ebé boot. Tamba sira iha area remote, feto sira ladun hetan asesu treinamentu no oportunidaes hodi fa'an sira nia tais. Feto Barak no sira nia familia mak servisu hanesan agrikultor, i dala ruma la hetan osan.

Ekipa sira halo vizita ba grupu-grupu sira ne'ebé ativu liu iha distritu, hodi sosa no fo treinamentu iha area merkadoria no oinsa kontrola kualidade tais ne'ebe sira produs.

Programa dezenvolvimentu ekonomia ne'ebe Alola organiza hamutuk ho feto sira hodi halo tais iha area rural, iha prosesu dezenvolvimentu ne'ebe la'o namanas, haki'ak kultura no tradisaun iha parte produktu tais nian.

Loja ne'ebé fa'an sasan tradisional ka halo ho liman husi Alola ne'e hanesan merkadoria ne'ebe importante tebes hodi fa'an sasan tradisional iha rai laran. Fa'an tais ne'ebé iha kualidade hodi sustenta ba kaixa ida ne'ebé bazeia ba ekonomia no atividade ne'ebe involve feto sira nian laran.

Halo tais tradisional iha uma hanesan atividade baziku ne'ebé bele akomoda familia nia nesesidade iha uma laran. Prosesu halo no troka tais hanesan istoria ne'ebé atrai iha tempu uluk to'o jenerasaun agora.



Viajen ne'e planeia tiha ona hodi vizita ba grupu halo tais iha teritoriu tomak atu hatene lolos sira nia partisipasaun no asesu ba merkadu internasionál ne'ebé fa'an sasan tradisional (halo ho liman).

Komunidade Oecusse halo tais ho skil no tekniku futus ne'ebe di'ak iha Timor, rekonese mos iha Azia nasaun Ikat. Tradisaun futus hanesan tradisaun ida ne'ebé bele distinji husi distritu sira seluk, no espesialidade seluk hanesan Sotis bazeia ba tekniku Botin, ne'ebé úniku iha Oecusse. Bain-bain, wainhira sira halo tais lori tempu fulan rua to tinan ida hodi halo tais ida, uza tekniku tradisional hanesan ruin kotuk animal nian, uza kabas hodi halo tais no sasan tradisional sira seluk hodi halo tais. Kada sasan ne'e uniku no especial, halo tais Oecusse famozu no kapa'as liu tais sira ne'ebé dezeñu iha distritu sira seluk no iha kualidade ne'ebé atrai intersanti ema liur.

Importante tebes mak skil ne'ebé uza hodi halo tais iha valor ne'ebé as, no halo feto sira iha Oecusse aumenta sira nia rendementu hodi sustenta sira nia moris lor-loron nia no kontribui ba haki'ak kultura ne'ebe importante tebes iha pratika tradisional nian.